

# TAKHTA KERAJAAN

## *Negeri Sembilan*



oleh:

*Abdul Samad Idris*

# **TAKHTA KERAJAAN**

## **NEGRI SEMBILAN.**



**DI-KARANG, DI-SUSUN**  
**DAN**  
**DI-TERBITKAN**



**OLEH:**

**ABDUL SAMAD IDRIS,**  
**(HAK PENGARANG TERPELIHARA)**



## DAFTAR ISI-NYA.

	Muka.
1. Asal nama Seri Menanti	... 5.
2. Negeri Sembilan Sa-belom beraja	... 11.
3. Kematian Dato' Penghulu Naam	... 15.
4. Asal Orang Empat Istana	... 18.
5. Asal Nama Negeri Sembilan	... 25.
6. Ganti Raja Melewar	... 28.
7. Perang dengan Dato' Kelana dan Inggeris	... 32.
8. Inggeris mula menchekam	... 40
9. Perjanjian Yam Tuan Seri Menanti dengan Undang Yang Empat dan Inggeris	... 46.
10. Peratoran menabalkan Yang di-Pertuan, N. S.	... 55.
11. Riwayat Tuanku Muhammad Shah	... 65.
12. Kemangkatan Tuanku Muhammad	... 68.
13. Riwayat rengkas almarhum Tuanku A. Rahman	... 76.
14. Yang Maha Mulia Tuanku Menawir	... 81.
15. Pergadohan ketika melantek Tengku Imam Janggut	86.
16. Peratoran menabalkan yang di-Pertuan Besar, N. Sembilan.	... 90.
17. T. Durah T. Ampuan Negeri Sembilan.	... 101.
18. Istiadat Penghulu2 mengadap.	... 109.
19. Perjanjian di-Antara Yang di-Pertuan Besar Seri Menanti dengan Undang Yang Empat	... 119.
20. His Hinghness Tuanku Menawir	... 121.
21. Hak Raja dan pantang larang-nya	... 125.



Penyusun dan pengarang buku ini mengucapkan sa-tinggi2 tahniah dan daulat dergahayu ka-pada D.Y.M.M. Tuanku Munawir, D.M.N., S.P.M.B., dan Tuanku Ampuan Durah menaikki takhta singgahsana Kerajaan Negeri Sembilan.

Mudah-mudahan Tuhan lanjutkan usia zaman Baginda sehat walafiat memerentah dengan adil dan seksama yang akan memberikan kebahagiaan dan kemaamoran kepada raayat dan negara.

Achapan Pertabalan Duli Y.M.M.

Yang di-Pertuan Besar Tuanku  
Munawir S. M. N., S. P. M. B.

dan

Tuanku Ampuan N. Sembilan

dari:



**GUTHRIE & COMPANY**  
**LIMITED,**



**SEREMBAN, N. S.**

## SEKAPOR SIREH.

Alhamdulillah-lah dengan inayah Tuhan yang maha kuasa, maka dapat-lah saya menyusun buku yang kecil ini untuk dipersembahkan kapangkuan saudara2 terutama dan istimewa kapada mereka yang menchintai sejarah tanah ayer-nya. Saya mengaku dengan sa-sungguh-nya ada-lah buku yang di-beri nama "Takhta Kerajaan Negeri Sembilan" ini ada-lah sa-buah buku yang sama sekali belum lengkap dan saya sendiri merasa belum puas hati di-atas-nya, baik isi-nya begitu jua susunan yang mengenai teknik dan jua penggal2 yang terkandung di-dalam-nya, insha-Allah sa-kira-nya buku ini mendapat sambutan dari penggemar-nya akan di-usahakan dengan sa-baik-nya2 bila perchetakan yang kedua kali-nya nanti.

Selain dari bertujuan hendak menuliskan chatetan2 sejarah yang selama ini bermain dari mulut ka-mulut orang tua2 sahaja, maka saya persembahkan buku ini kapada keturunan kita akan datang sekurang-nya sebagai bahan penyiasat bagi mereka untuk menyelami lagi sedalam-nya2 lubok sejarah kampong halaman dan tanah ayer-nya yang selama ini ada-lah di-tuliskan orang2 yang bukan-nya ra'rat negeri ini.

Buku ini telah saya karang dan susunkan sa-telah mendapat bahan2 dari beberapa segi, ia-itu dari perchakapan mulut ka-mulut orang tua2, keterangan2 yang di-beri dari mereka yang maseh ingat dan lagi dari buku chatatan istana yang maseh ada tersimpan dengan baik-nya. Apa yang menarek hati dari beberapa perkara yang saya anggap penting, ia-lah tulisan perjanjian2 yang di-buat dalam kurun yang ka-sembelan belas, ketika mana belum ada sa-buah sekolah pun terdiri dalam negeri ini, menilik dari jalan bahasa yang di-karang oleh orang tua2 zaman itu sa-sungguh-nya mengkagumkan kita jika di-bandingkan dan di-nilai dari pelajaran dan keadaan zaman-nya, akan tidak kena-lah pada tempat-nya dan bagi mereka yang tidak menghargai usaha sa-saorang sahaja-lah yang akan menganggap sepi akan kebijaksanaan orang tua2 dahulu dalam karang mengarang dan surat menyurat dalam bahasa-nya.

Tidak lupa saya mengucapkan berbanyak2 terima kaseh kapada Y. T. M. Tengku Besar Burhanudin dan Y. B. Dato' Penghulu Dagang Adam bin Yusoff Orang Empat Istana yang telah memberikan beberapa bahan yang berguna untuk saya menyusun buku ini, begitu juga kapada yang berkenaan di-Istana Besar Seri Menanti yang telah menolong saya memberikan beberapa kemudahan untuk mendapatkan beberapa bahan yang mustahak. Kapada sidang pembacha yang mulia, saya mendahului menghulorkan tangan meminta maaf di-atas beberapa kesilapan yang akan tuan2 temui dalam masa membacha nanti, anggap-lah kesalahan2 yang di-temui itu sebagai satu kesilapan yang tidak di-sengajakan dan berlaku sechara kebetulan jua.

Seri Menanti,  
Negeri Sembilan,  
1 hb. April, 1961.

Salam hormat dan taazim dari saya.  
Abdul Samad Idris.





Duli Y.M.M. Tuanku Munawir S.M.N., S.P.M.B.  
*Gambar 1959.*



## KEMATIAN DATO' PENGHULU NAAM.

Sa-telah Raja Melewar mendapat khabar, bahwa Raja Khatib yang telah di-utus oleh Ayahanda-nya untok membuat persiapan menyambut kedatangan-nya telah belot dan mengangkat diri-nya pula sebagai raja yang sah, Raja Melewar pun menitahkan juak2 pahlawan-nya supaya menangkap Raja Khatib, Raja Melewar sendiri mengetuai angkatan itu dan masok ka-Seri Menanti melalui Bukit Tujoh.

Akan Raja Khatib sa-telah mengistiharkan diri-nya menjadi raja telah di-kahwinkan dengan sa-orang dari-pada anak perempuan Dato' Penghulu Naam yang bernama Warna Mas, satelah Raja Melewar masok ka-Seri Menanti baharu-lah orang2 Seri Menanti mendapat tahu bahwa Raja Khatib bukan-nya sa-orang raja yang sa-benar-nya, tetapi bagaimana pun Dato' Penghulu Naam ada-lah tetap mengakui bahwa Raja Khatib sebagai raja lebeh2 lagi telah menjadi menantu-nya, akhir-nya berlaku-lah satu pergadohan atau perang saudara di-antara kedua pehak, khabar-nya pergadohan ini tidak-lah begitu hebat kerana Raja Khatib sendiri satelah sahaja mendengar Raja Melewar datang telah chabut lari, dalam pergadohan inilah Dato' Penghulu Naam mati terbunuh dan di-panchong leher-nya.

Menurut cherita-nya, Dato' Penghulu Naam ini ada mempunyai satu kesaktian yang luar biasa kerana satelah di-panchong putus leher-nya dapat ia kembali hidup saperti sedia kala, cherita ini sabenar-nya saperti cherita dongeng atau khayal tetapi ada-lah berlaku dengan sabenar-nya, kebenaran cherita ini ada-lah di-akui oleh orang tua2 dan menjadi satu kesukaan mereka bercherita dengan anak2 chuchu mereka, saya mendapat cherita ini ada-lah dari Dato, saya sendiri.

Di-sini ada baik-nya kalau saya chatekan sedikit riwayat ringkas bagaimana Dato' Naam ini di-panchong dan bagaimana pula ia boleh hidup kembali saperti biasa, kalau di-kaji dari segi akal dan fikiran dan tidak melihat sendiri akan kejadian ini tidak shak lagi kita akan menganggap cherita ini bukan sahaja tidak

menasabah dan tidak di-terima oleh akal malah karut, sama ada perchaya atau tidak terpulang-lah kepada pembacha2 sendiri. Menurut cherita-nya, satelah Dato' Naam enggan mengangkat Raja Melewar sebagai raja yang sah dan tidak mahu di-pujok supaya mengubah sikap-nya, maka berlaku-lah pergaduhan di-antara orang2 Raja Melewar dengan pengikut2 Dato'2 Naam, akhir-nya Dato' Naam dapat di-tangkap dan di-hukom supaya leher-nya di-panchong, sabelum hukuman itu di-jalankan ia telah di-beri lagi peluang supaya tundok dan rujok kepada kebenaran, tetapi Dato' Naam tetap dengan pendirian-nya tidak berganjak dari mengakui Raja Khatib itu-lah raja yang sabenar-nya, satelah kepala-nya berecherai dari bandan-nya pertanda yang memanchong-nya itu bertanya lagi sama ada ia mahu rujok atau tidak, kepala yang telah bercherai dari badan ini maseh lagi dapat menggelengkan kepala-nya menandakan ia tetap tidak mahu rujok, demikian di-cheritakan.

Di-riwayatkan juga ada-lah hukuman bunoh ini di-jalankan pada waktu malam dan bulan sedang terang, satelah badan dan kepala Dato' Naam ini bercherai dari badan dan di-perchayai telah mati, maka pertanda yang menjalankan hukuman ini pun balek-lah mengadap Raja Melewar menyatakan kesah-nya bahwa hukuman itu telah di-jalankan, akan mayat Dato' Naam ini maseh belum di-tanamkan dan di-tinggalkan begitu sahaja dan di-chadangkan supaya di-tanam kaesokkan hari-nya.

Ada-lah menjadi rahsia kesaktian Dato' Naam ini, apabila sahaja embun turun dan menimpa badan-nya yang telah bercherai itu maka bertaup-lah ia kembali dan hidup saperti sediakala, satelah di-ketahui oleh orang ramai ka-esokkan hari-nya bahwa Dtao' Naam telah hidup kembali maka sekali lagi ia di-tangkap dan di-panchong lagi, satelah sahaja ia di-panchong terus di-tanamkan supaya ia tidak dapat hidup semula, tetapi bagaimana pun Dato' Naam dapat juga hidup semula saperti biasa walau pun telah di-timbus, bagaimana pun ia dapat di-tangkap semula.

Pada kali ini telah di-ketahui sekira-nya kepala dan badan-nya di-tanamkan bersama2 di-satu tempat akan hidup semula maka satelah di-panchong bagi kali yang ketiga-nya maka

kepala-nya di-tanamkan di-sabuah bukit yang kemudian-nya di-namakan Bukit Tempurong ia-itu sebagai mengambil sempena kepala Dato' Naam itu di-tanamkan (tempurong di-sini bermaana tempurong kepala-nya), akan badan-nya pula di-tanamkan di-atas sabuah bukit yang lain yang bertentangan dengan Bukit Tempurong ini tetapi di-cheraikan oleh anak sungai, bukit ini kemudian-nya di-namakan Bukit Taboh bagi mengambil sempena badan atau tuboh Dato' Naam ini di-tanamkan, kedua2 hama bukit ini kekal hingga sekarang.

Satelah di-tanamkan, khabar-nya kepala Dato' Naam ini maseh lagi boleh berchakap, pada waktu malam hari kedengaran memanggil tuboh-nya supaya datang dan dapat berchantum semula, tetapi oleh kerana rahsia-nya telah di-ketahui orang, ia-itu sekira-nya tuboh dan kepala-nya ini di-tanamkan di-tempat yang berasingan dan di-cheraikan pula oleh sungai maka kepala dan badan-nya ini tidak akan dapat semula berchantum, di-cheritakan juga kepala-nya ini kedengaran melaong2 waktu malam selama tiga malam, kemudian dari itu senyaplah dan tamat-lah kesah Dato' Penghulu Naam yang keras hati itu.

Begitu-lah cherita-nya yang maseh lagi menjadi perbualan di-antara orang tua2 di-Seri Menanti ini yang bercherita sekali sekala kepada anak2 chuchu-nya, orang2 Seri Menanti ada-lah menganggap Dato' Naam sabagai sa-orang kasteria yang gagah perkasa walau pun ia di-katakan juga sa-orang yang derhaka kepada raja-nya yang sabenar, pada satengah orang Dato' Naam ini di-anggap bukan-lah sa-oarng yang derhaka tetapi ada-lah semata-mata kerana salah faham dan keliru sahaja, bagaimana pun keperwiraan dan kegagahan Dato' Naam tetap menjadi kemegahan anak2 chuchu-nya, cherita ini saperti yang telah saya cheritakan di-atas tadi ada-lah satu kejadian yang luar baiasa dan tidak pernah kedengaran lagi ada-nya pada masa ini, tetapi bagaimana pun menurut cherita-nya ada-lah kejadian yang sah dan benar2 berlaku.

---

# SALAH CHETAK.

MUKA SURAT	BARIS	SALAH	BETOL
1	19	di-tuliskan orang2, ra'rat	di-tuliskan oleh orang2, ra'ayat
5	2	Menananti	Menanti
5	27	selaian	selain
5	28	melaui	melalui
7	15	kterangan	keterangan
9	5	menyemnda-lah	menyemenda-lah
9	6	suka	suku
11	35	mangodap	mengadap
12	20	mengurniakan	mengurniakan
16	29	Dtao'	Dato'
17	9	hama	nama
19	29	duli Maha Mulie	Duli Yang Maha Mulia
19	35	benar-nya belaka-kah	benar-nya saudara belaka-kah
20	10	thu	tahu
20	14	kemudaian	kamudian
20	15	sebilan	sembilan
21	28	kapeda Orong	kapada Orang
21	31	iateri	isteri
25	21	dalama	dalam
26	16	sebab	Sebab
26	34	Naing	Naning
29	12	puetra	putra
31	8	berumpr	berumor
32	salasilah	T. Ulin	T. Alin
32	27	mennati	menanti
34	9	Mennati	Menanti
36	17	Ibn	Ibni
44	16	kerjaan	kerajaan
44	22	Mohhamad	Muhammad
46	18	tabdir	tadbir
46	22	Superntendent	Superintendent
51	6	beleh	boleh
51	13	gaku--yang	tinggalkan sahaja
57	8	Johal	Johol
57	22	berialan-lah	berjalan-lah
65	1	Muammad	Muhammad
65	12	bersamman	bersamaan
65	23	Muahammad	Muhammad
70	27	mengubtai-nya	mengubati-nya
70	27	nbatan2	ubatan2
70	35	Yang Maha oleh	Yang Maha Mulia oleh
70	36	kut	kuat
76	17	heribulan	haribulan
81	10	bergelombng	bergelombang
82	18	mengitiharakan	mengistiharkan

<b>MUKA SURAT</b>	<b>BARIS</b>	<b>SALAH</b>	<b>BETOL</b>
84	1	menadang	memandang
85	20	pemeangku	pemangku
85	26	Bagitu	Baginda
85	29	di-ishtiharakan	di-ishtiharkan
86	24	pda	pada
91	27	menurunkan	menurunkan
91	27	Dtao'	Dato'
100	31	linggi	Linggi
103	19	Undang yang pada	Undang yang Empat pada
109	29	Yang Mulia	Yang Maha Mulia
110	19	Pahawan	Pahlawan
115	3	msutahak	mustahak
115	24	seceretary	secritary
116	26	perturan	peratoran
116	26	istiada	istiadat
120	1	mehanti	menanti
122	24	Undong	Undang